



TOSHKENT DAVLAT YURIDIK UNIVERSITETI REKTORINING B U Y R U G ' I

06.11.2023

661-tm-son

Talabalarni rag'batlantirish to'g'risida

O'zbekiston Respublikasi Prezidenti Shavkat Mirziyoyev rahbarligida 2023-yil 11-aprel kuni "Yoshlar siyosati sohasidagi ishlar natijadorligini oshirish hamda ular bilan ishlash tizimini yanada takomillashtirish chora-tadbirlari" yuzasidan o'tkazilgan videoselektor yig'ilishida berilgan 18-son topshiriqlar bayoni, Vazirlar Mahkamasining 2020-yil 31-yanvardagi "Oliy ta'lim muassasalari talabalariga to'lanadigan stipendiyalar miqdorlarini belgilash hamda stipendiyalar tayinlash va to'lash tartibini takomillashtirish chora-tadbirlari to'g'risida"gi 59-son qarori, Toshkent davlat yuridik universiteti rektorining 2022-yil 17-fevraldagi "Toshkent davlat yuridik universitetida ma'naviy-ma'rifiy ishlarni tizimlashtirish hamda talabalarning iqtidor va iste'dodlarini aniqlashni yangi bosqichga olib chiqish to'g'risida"gi 36-um-son, 2022-yil 28-oktabrdagi "Toshkent davlat yuridik universitetida klub va doimiy loyihalar faoliyatini samarali tashkil etish to'g'risida"gi 333-um-son buyrug'ida belgilangan vazifalar ijrosini ta'minlash, iqtidorli talabalar safini kengaytirish, ularga keng imkoniyat yaratish, munosib qo'llab-quvvatlash hamda universitet Stipendiya komissiyasining 2023-yil 2-noyabrdagi talabalarni moddiy rag'batlantirish masalasi bo'yicha yig'ilishining 15-son bayonnomasiga muvofiq,

BUYURAMAN:

1. Toshkent davlat yuridik universiteti (bundan buyon matnda – Universitet) Stipendiya komissiyasining 2023-yil 2-noyabrdagi talabalarni moddiy rag'batlantirish masalasi bo'yicha o'tkazilgan 15-son yig'ilish bayoni ma'lumot va ijro uchun qabul qilinsin.

2. Quyidagilar:

11-oktabr "Xalqaro qizlar kuni" munosabati bilan "Queen Lawyer" ko'rik-tanlovi o'tkazilganligi, mazkur tanlovda 7 nafar ishtirokchilar 3 ta shart bo'yicha o'zlarining intellektual va ijodiy salohiyati, egallagan bilimlari, xulqi va kiyinish madaniyati bo'yicha iqtidorlarini namoyon etganligi;

O'zbekiston Respublikasi Vazirlar Mahkamasida 2023-yil 31-mart kuni

o'tkazilgan Besh tashabbus olimpiadasining 2023-yil mavsumini yuqori saviyada tashkil etish va o'tkazishga bag'ishlangan yig'ilishining 22-son bayoniga muvofiq besh tashabbus olimpiadasini o'tkazish belgilanganligi va shunga muvofiq universitetda sportning mini futbol, stol tennisi, stritbol, yengil atletika, voleybol turlari, "Intellectual olimpiada" doirasida Zakovat intellektual turniri, shaxmat va shashka bo'yicha musobaqalar o'tkazilganligi;

O'zbekiston Respublikasi Prezidenti Adminstratsiyasining 2023-yil 23-avgustdagi 17-1737-son topshiriq bayoni bilan oliy ta'lim muassasalari talabalari o'rtasida "Quvnoqlar va zukkolar" ko'rik-tanlovining Talabalar ligasi-2023 kuz-qish mavsumini o'tkazish vazifasi belgilanganligi, shunga muvofiq Yoshlar ijod saroyida 2023-yil 6-oktabr kuni universitet talabalari o'rtasida "Quvnoqlar va zukkolar" ko'rik-tanlovining universitet bosqichi yuqori saviyada tashkil etilganligi, unda fakultetlarning 4 ta jamoalari ishtirok etganligi;

O'zbekiston Respublikasi Prezidenti Adminstratsiyasining 2023-yil 7-fevraldagi topshiriq xati hamda TDYU rektorining 2023-yil 12-oktabrdagi "Quvnoqlar va zukkolar respublika ko'rik tanlovining 2023-yilgi mavsumida universitet jamoasining munosib ishtirokini ta'minlash to'g'risida"gi 593-tm-son buyrug'iga muvofiq "Quvnoqlar va zukkolar" respublika ko'rik-tanlovining chorak-final bosqichida universitetning "Yuristlar" terma jamoasi munosib ishtirok etganligi hamda yarim final bosqichida ishtirok etish uchun yo'llanmani qo'lga kiritganligi;

dunyoning 36 ta davlati o'rtasida o'tkazilgan "Bolalar huquqlari bo'yicha sud" (**Children's Rights Moot Court**) nufuzli xalqaro tanlovining 2023-yilgi bosqichida universitet iqtidorli talabalaridan iborat jamoa munosib ishtirok etib, saralash, chorak va yarim-final bosqichlardan muvoffaqiyatli o'tib, final bosqichida Janubiy Afrika mintaqasining Pretoria universiteti (University of Pretoria) jamoasi bilan qizg'in bahs olib borib, **2-o'rinni** qo'lga kiritganligi inobatga olinsin.

3. Universitet Stipendiya komissiyasining 2023-yil 2-noyabrdagi talabalarni moddiy rag'batlantirish masalasi bo'yicha o'tkazilgan 15-son yig'ilish bayoniga muvofiq loyiha va tanlovlarda g'oliblikni qo'lga kiritgan hamda universitet faoliyat samaradorligiga o'zining munosib hissasini qo'shib kelayotgan talabalarni moddiy rag'batlantirish bo'yicha taqdim etilgan taklifiga rozilik berilsin.

4. Universitetda 2023-yilning sentabr-oktabr oylari davomida o'tkazilgan loyiha va tanlovlarda munosib ishtirok etib g'oliblikni qo'lga kiritgan hamda alohida iqtidori bilan ta'lim va tarbiya jarayonlarini tashkil etishda faollik ko'rsatib kelayotgan talabalar ilovadagi jadvalga muvofiq moddiy rag'batlantirilsin.

5. Buxgalteriya (M.Parpiyev) mazkur buyruq ilovasi bilan tasdiqlangan talabalarni moddiy rag'batlantirish bilan bog'liq to'lovlarni Talabalarni rag'batlantirish jamg'armasi mablag'lari hisobidan to'lab berilishini ta'minlasin.

6. Ma'naviyat va ma'rifat markazi (Sh.Po'lotov) hamda fakultet dekanlari:

rag'batlantirilgan talabalar to'g'risidagi ma'lumotlarni talabalar orasida

hamda ijtimoiy tarmoqlar orqali keng targ'ib qilish choralarini ko'rsin;

talabalarni rag'batlantirish bilan bog'liq bo'lgan buxgalteriya hujjatlarini talabalar tomonidan o'z vaqtida buxgalteriyaga taqdim etilishini ta'minlasin hamda saqlanishini nazorat qilsin.

7. Ushbu buyruq ijro nazorati birinchi prorektor A.Xashimhonov va prorektor A.Iminovlar zimmasiga yuklansin.

Rektor v.v.b.



I.RUSTAMBEKOV

Toshkent shahar

Kiritildi:

Direktor

SH.PO‘LOTOV



Kelishildi:

Yoshlar masalalari va ma‘naviy-
ma‘rifiy ishlar bo‘yicha birinchi
prorektor

A.XASHIMHONOV



Bosh buxgalter

M.PARPIYEV



Katta yuriskonsult

A.TURSUNOV



Dekan (Fan nomzodi yoki falsafa
doktori (Ph.D) ilmiy darajasiga yoki
xorijiy davlatlarning unga
tenglashtirilgan boshqa ilmiy
darajalariga yoki dotsent ilmiy
unvoniga ega bo‘lgan)

D.KAMALOVA



Dekan (Fan nomzodi yoki falsafa
doktori (Ph.D) ilmiy darajasiga yoki
xorijiy davlatlarning unga
tenglashtirilgan boshqa ilmiy
darajalariga yoki dotsent ilmiy
unvoniga ega bo‘lgan)

A.BABADJANOV



Dekan (fan doktori yoki fan doktori
(Doctor of Science) ilmiy darajasiga
yoki xorijiy davlatlarning unga
tenglashtirilgan boshqa ilmiy
darajalariga yoki professor ilmiy
unvoniga ega bo‘lgan)

SH.SAYDULLAYEV



Dekan (fan doktori yoki fan doktori
(Doctor of Science) ilmiy darajasiga
yoki xorijiy davlatlarning unga
tenglashtirilgan boshqa ilmiy
darajalariga yoki professor ilmiy
unvoniga ega bo‘lgan)

B.MUSAYEV

